



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU **POKRETA ZA BOLJE BRČKO – ĐAPO MIRSAD**

Broj: 03-07-6-317/18
Sarajevo, 10.07.2019. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	5

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Pokreta za bolje Brčko-Đapò Mirsad za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom finansijskog izvještaja za 2017. godine, utvrđeno je da je Pokret za bolje Brčko-Đapò Mirsad prekršio odredbe člana 5. stav (4), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Pokreta za bolje Brčko-Đapo Mirsad za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Pokret za bolje Brčko-Đapo Mirsad nije ostvario prihode, što se vidi iz naredne tabele:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo	0,00	0,00
	Izvori finansiranja (I+II)	0,00	0,00

U godišnjem finansijskom izvještaju stranka je iskazala rashode u ukupnom iznosu od 136,48 KM.

2. PREDSTAVLJANJE POLITIČKE STRANKE

Naziv političke stranke je Pokret za bolje Brčko-Đapo Mirsad. Skraćeni naziv stranke je PBB-Đapo Mirsad.

Pokret za bolje Brčko-Đapo Mirsad je registrovan kod Osnovnog suda Brčko distrikta BiH, Rješenjem broj: 096-0-F1-16-000037 dana 22.04.2016. godine.

Sjedište političke stranke je u Brčkom, Bulevar mira 20.

Lica ovlaštena za zastupanje stranke su: predsjednik Mirsad Đapo, potpredsjednici Mićo Kojić i Mirsada Mulaomerović, sekretar Muhamed Spahalić, član skupštine Admir Tursunović i predsjednik izvršnog odbora stranke Kemal Tursunović.

Lice ovlašteno za podnošenje finansijskih izvještaja za 2017. godinu je Muhamed Spahalić.

Stranka je na obrascu 1. godišnjeg finansijskog izvještaja (*Opći podaci o političkoj stranci*) konstatovala da ima niže nivoe organizovanja, a u organizacionoj strukturi navela je samo Sjedište stranke.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Pokreta za bolje Brčko-Đapo Mirsad za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Pokreta za bolje Brčko-Đapo Mirsad obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju je izvršila pregled finansijskog izvještaja Pokreta za bolje Brčko-Đapo Mirsad za 2016. godinu, nakon koga je izdat izvještaj o pregledu, sa mišljenjem revizora, nalazima i preporukama stranci da prijavljuje sve priloge, bez obzira po kom osnovu ih ostvaruje, da se ne finansira iz zakonom zabranjenih izvora, da poslovne knjige vodi u skladu sa računovodstvenim propisima, da u svojim poslovnim knjigama uspostavi potpune evidencije o prihodima i rashodima, da finansijske izvještaje podnosi u zakonom propisanim rokovima i formi koju je Centralna izborna komisija BiH propisala svojim podzakonskim aktima.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Pokret za bolje Brčko-Đapo Mirsad nije ispoštovao sve preporuke.

5. NALAZI I PREPORUKE

5.1 NALAZI

a) Pokret za bolje Brčko-Đapo Mirsad prekršio je odredbe člana 5. stav (4) Zakona o finansiranju političkih stranaka.¹

Politička stranka nije uspostavila evidenciju u godišnjem finansijskom izvještaju i Godišnjem obračunu za 2017. godinu o nenovčanoj donaciji koju je ostvarila po osnovu besplatnog korištenja poslovnog prostora, čime je prekršila odredbe člana 5. stav (4) Zakona o finansiranju političkih stranaka.

Na zahtjev Centralne izborne komisije BiH političkoj stranci da dostavi dokaze o korištenju poslovnog prostora, politička stranka je dostavila Aneks ugovora o zakupu, zaključen 31.12.2016. godine između pravnog lica „Comex“ d.o.o. Brčko disirikt BiH i Pokreta za bolje Brčko-Đapo Mirsad. Iako je ugovorom predviđeno da je stranci ustupljen poslovni prostor na korištenje bez naknade, s tim što se stranka obavezuje da izvrši njegovo renoviranje, u finansijskom izvještaju politička stranka nije iskazala troškove renoviranja poslovnog prostora, niti je na drugi način dokazala da je renoviranje izvršeno, nije plaćala zakupninu, niti je iskazala obavezu po tom osnovu.

¹ Političke partije dužne su da vode evidenciju o prijemu članarina i dobrovoljnih priloga, te da izdaju potvrde o prijemu članarina i dobrovoljnih priloga.

Korištenjem poslovnog prostora, bez plaćanja zakupnine, stranka je ostvarila nenovčanu donaciju, koju je bila obavezna da evidentira u poslovnim knjigama i finansijskom izvještaju za 2017. godinu.

b) Pokret za bolje Brčko-Đapo Mirsad prekršio je odredbe član 11. stav (1) i člana 12. stav (1), stav (4) i stav (5) Zakona o finansiranju političkih stranaka.

Na osnovu obavljenog pregleda godišnjeg finansijskog izvještaja i dodatne finansijske dokumentacije, utvrđeno je da Pokret za bolje Brčko-Đapo Mirsad nije tačno i pravilno evidentirao prihode i nije pravilno popunio obrasce godišnjeg finansijskog izvještaja, čime je prekršio odredbe člana 11. stav (1) i člana 12. stav (1) i stav (4) Zakona o finansiranju političkih stranaka i odredbe člana 13. i člana 18. Pravilnika o godišnjim finansijskim izvještajima političkih stranaka- u daljnjem tekstu: Pravilnik.

- Stranka nije u poslovnim knjigama i finansijskom izvještaju evidentirala nenovčanu donaciju, koju je ostvarila korištenjem poslovnog prostora u Brčkom bez naknade, čime je prekršila odredbe člana 13. i 18. Pravilnika.
- U poslovnim knjigama i finansijskom izvještaju, odnosno na obrascu 4.1 (Režijsko-administrativni i ostali troškovi) stranka nije iskazala ni troškove zakupa za poslovni prostor koji je koristila bez naknade, čime je prekršila odredbe člana 21. i 22. Pravilnika.

c) Politička stranka je prekršila je odredbe člana 12. stav (5) Zakona o finansiranju političkih stranaka.

Dana 28.03.2019. godine, Centralna izborna komisija BiH je političkoj stranci Pokret za bolje Brčko-Đapo Mirsad uputila Zahtjev za dostavljanje dodatne dokumentacije za 2017. godinu, kojim je od stranke, pored ostalog traženo da dostavi kopije izvoda sa transakcijskog računa u periodu od 01.01.2017. godine do 31.12.2017. godine.

Pokret za bolje Brčko-Đapo Mirsad nije postupio u skladu sa zahtjevom Centralne izborne komisije BiH, odnosno dostavio je izvode sa transakcijskog računa broj: 141-455-532001160-57 kod BBI bank za period od šest mjeseci. Obzirom da politička stranka nije dostavila izvode za cijelu poslovnu godinu ili potvrdu banke o ukupnom prometu za period 01.01.- 31.12.2017. godine, prekršila je odredbe člana 12. stav (5) Zakona o finansiranju političkih stranaka.

5.2 PREPORUKE

Preporučuje se Pokretu za bolje Brčko-Đapo Mirsad da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi evidencije o prihodima, bez obzira na koji način ih ostvaruje,*
- *da dostavlja dodatnu dokumentaciju koju od nje zatraži Centralna izborna komisija BiH,*
- *da poslovne knjige vodi u skladu sa računovodstvenim propisima, odnosno da vodi pravilne evidencije o svojim prihodima i rashodima i*
- *da finansijske izvještaje koje podnosi Centralnoj izornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR

Politička stranka Pokret za bolje Brčko-Đapò Mirsad nije se očitovao na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2017. godinu.

Pomoćnik revizora

Anela Burdžović Kapić

Šef Službe za reviziju, revizor

Mr.sc Hasida Gušić